

Valoraranse os seguintes aspectos en cada avaliación:

1ª e 2ª avaliacións	3ª avaliación
<p>Lectura 10%</p> <p>O alumnado escollerá unha obra por trimestre dunha listaxe ampla e realizará un traballo.</p>	<p>Lectura 10%</p> <p>O alumnado escollerá unha obra dunha listaxe ampla e realizará un traballo.</p>
<p>Expresión oral espontánea 5%</p> <p>Valorarase cunha rúbrica a lingua empregada na aula.</p>	<p>Expresión oral espontánea 5%</p> <p>Valorarase cunha rúbrica a lingua empregada na aula.</p>
<p>Expresión oral planificada 10%</p> <p>O alumnado realizará unha exposición ou tarefa oral sobre diferentes temas. Poderá ser gravada (podcast, vídeo ou na clase)</p>	<p>Expresión oral planificada e produción escrita 25%</p> <p>O alumnado elaborará un guión de radio para unha sección dun programa de radio global de toda a aula. Será avaliado cunha rúbrica.</p>
<p>Traballos de comprensión e produción escrita 15%</p> <p>Realizarase un traballo de produción e comprensión textual por avaliación, que poderá ser dividido en partes se a súa extensión ou complexidade o aconsellan.</p>	
<p>Exame 60%</p> <p>Realizarase 1 por avaliación, que se poderá dividir en dúas partes se a extensión ou a dificultade dos contidos o aconsellan.</p>	<p>Exame 60%</p> <p>Realizarase un, que se poderá dividir en dúas partes se a extensión ou a dificultade dos contidos o aconsellan.</p>

En cada trimestre tamén se poderá realizar a lectura voluntaria dun libro por avaliación, que sumará ata 0,4 puntos na nota; avaliarase cunha proba oral segundo esta escala de valoración:

- Demostra que leu o libro (completo) e comprendeu o contido. É quen de opinar, establecer relacións e reflexionar sobre o lido: ata 0.25 puntos
- Fala de xeito correcto, claro e fluído: ata 0.15 puntos

A **nota final de cada avaliación** será a suma dos apartados anteriores debidamente ponderados (á que se lle sumará á da lectura voluntaria, cando proceda) e expresarase cunha nota numérica que irá do 1 ao 10. Considerarase superada a avaliación cando se acade unha cualificación mínima de 4,5 puntos sen redondeo.

A **nota final do curso** calcularase mediante a media aritmética das tres avaliacións sen redondeo. Considerarase que superou a materia o alumnado que obteña unha nota media de 4,5 puntos.

Os erros ortográficos, morfosintácticos ou léxicos descontarán en cada proba ou traballo escrito ata un punto; os erros moi graves (non uso das maiúsculas, tempos compostos, pronomes mal colocados) restarán 0,1 cada un, os graves (xénero e número incorrectos e castellanismos léxicos) descontarán 0.05 e o resto, 0.025. Tamén se poderá descontar ata 0,5 puntos por deficiencias na presentación dos escritos (ausencia de marxes, caligrafía ilexible ou abundancia de borranchos ou riscos).

Empregar métodos fraudulentos na realización de probas ou traballos, permitir que outros copien o seu traballo, participar en calquera actividade ou estratexia para mellorar resultados (copiar literalmente ou parafrasear unha fonte bibliográfica, por exemplo) implicará unha cualificación de cero puntos nesa proba/pregunta ou traballo.

O alumnado que non se presente a algunha das probas programadas poderá realizala noutra data sempre e cando a ausencia estea debidamente xustificada.

Criterios de recuperación

O alumnado que teña unha avaliación suspensa realizará a recuperación ao inicio do seguinte trimestre para a 1ª e 2ª e antes da avaliación final no caso da 3ª. Efectuaranse dous tipos de probas de recuperación: unha proba oral para a parte do libro de lectura e outra escrita que incluírá tanto os contidos das probas escritas ordinarias coma o traballo de comprensión e produción escritas. A nota da avaliación que haxa que recuperar obterase, segundo os casos, do seguinte xeito: 15% da lectura (mantense a nota obtida na avaliación no caso de que estea aprobada)+ 85% proba escrita de recuperación.

A nota final calcularase mediante a media aritmética das tres avaliacións (sen redondeo), pero incorporando cando proceda as cualificacións da/s avaliación/s recuperadas. Considerarase que se superou a materia cando se obteña unha nota igual ou superior a 4,5 puntos.